

Broj: 686-290/24
Sarajevo, 16.05.2024. godine

Na osnovu člana 71. Zakona o turizmu („Službene novine KS“, broj 19/16, 31/17, 34/17 i 13/21) i člana 30. Statuta („Službene novine KS“, broj 32/17), Programa rada i Finansijskog plana Turističke zajednice Kantona Sarajevo za 2024. godinu, člana 18. stav (4) Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj: 420-4/24 od 27.02.2024. godine, Pravilnika o dopuni Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj: 623-7/24 od 29.03.2024. godine, Pravilnika o izmjenama i dopunama Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj: 667-4/24 od 08.04.2024. godine, provedenog JAVNOG POZIVA 1/2024, Predsjednik Turističke zajednice Kantona Sarajevo d o n o s i:

IZMJENU ODLUKE O ODABIRU KORISNIKA ZA SUFINANSIRANJE PROJEKATA NA OSNOVU PROVEDENOG JAVNOG POZIVA 1/2024

I

U Odluci o odabiru korisnika za sufinansiranje projekata na osnovu provedenog Javnog poziva 1/2024 broj: 686-264/24 od 07.05.2024. godine brišu se: tačka 18. člana 4, tačka 29. člana 5. i tačka 56. člana 5.

II

Ostali dio Odluke ostaje nepromjenjen.

III

Ova Odluka stupa na snagu danom donošenja.

O b r a z l o ž e n j e

Odlukom o odabiru korisnika za sufinansiranje projekata po osnovu provedenog Javnog poziva 1/2024 broj: 686-264/24 od 07.05.2024. godine, odabrani su korisnici za sufinansiranje. Izvršenim naknadnim uvidom u prijave aplikacija, a sve u cilju sačinjavanja ugovora o sufinansiranju projekata sa odabranim korisnicima, konstatovane su sljedeće okolnosti, a koje predstavljaju razlog donošenja Izmjena Odluke, tj. razlog njihovog brisanja iz iste:

1. Aplikant naveden u prvobitnoj Odluci u članu 4. tačka 18. - **UDRUŽENJE ZA OČUVANJE TRADICIJE I RAZVOJ KULTURNO-UMJETNIČKOG STVARALAŠTVA „BAŠLIJA“** – nije dostavio Potvrdu iz banke koja potvrđuje povezanost otvorenog transakcijskog računa sa navedenim aplikantom.

- Aplikant je dostavio Potvrdu iz banke naslovljenu na drugo pravno lice, s toga prijava ne zadovoljava formalno-pravne uslove.
2. Aplikant naveden u prvobitnoj Odluci u članu 5. tačka 29. – TENISKI SAVEZ BOSNE I HERCEGOVINE – u svojoj prijavi je dostavio aktuelni Izvod iz registra udruženja i fondacija iz kojeg je vidljivo da je licu ovlaštenom za zastupanje i predstavljanje istekao mandat. Aplikant u svojoj prijavi dostavlja i Zahtjev za produženje mandata lica ovlaštenog za zastupanje, upućen prema Ministarstvu pravde Bosne i Hercegovine, što je komisija vrednovala pozitivno, međutim naknadno je utvrđeno da se zbog prethodno navedenog razloga, tj. zbog isteka mandata, prijava ne može vrednovati kao formalno-pravno ispravna.
 3. Aplikant naveden u prvobitnoj odluci u članu 5. tačka 56. - UDRUŽENJE „CENTAR ZA RAZVOJ PLESA“ – DANCE DEVELOPMENT CENTAR – u svojoj prijavi dostavlja Odluku o prihvatanju plana rada i finansijskog plana za 2024. godinu, koja nije potpisana, te se iz iste ne može utvrditi njena autentičnost i vjerodostojnost, zbog čega se i ova prijava ne može smatrati formalno-pravno ispravnom.

Pouka o pravnom lijeku:

Navedeni aplikanti imaju pravo podnošenja prigovora u roku od 3 (tri) dana od objave na zvaničnoj web stranici TZKS. Prigovor se upućuje drugostepenoj komisiji na konačno odlučivanje.

Predsjednik
Turističke zajednice Kantona Sarajevo



Dostaviti:

1. Web stranica TZKS,
2. Predmet,
3. a/a.